

इवनिंग डोगरी न्यूज़ बुलेटिन

समे .18:15 Hrs

Headlines

1. बिहार असेंबली चुनावें च एन.डी.ए बड्डी जित्त बक्खी अगडा बधा'रदा ऐ।
2. बीजेपी मेदवार देव्यानी होरें 24 ज्हार 647 वोटें कन्नै नगराटा सीट जित्ती लैती ऐ, जदके पी.डी.पी नै बडगाम सीट पर जित्त हासिल कीती।
3. एल.जी मनोज सिन्हा होरें 'वंदे मातरम' गीत दे 150 ब'रे पूरे होने दे सरबंध्यै च आयोजित कार्यक्रम च हिस्सा लैता ते आखेआ जे हर इक्क भारत वासी दे दिलै च इक्क गीत बसे दा ऐ ते ओहू गीत टवंदे मातरम' ऐ।
4. जम्मू-कश्मीर खेठ कौंसल आसेआ कल जम्मू मिड-नाइट मैराथन दे त्रीए संस्करण दा आयोजन कीता जाहगा।
5. खाने-पीने आहिलियें चीजें ते तेल दिएं कीमतें च कमी दे चलदे भारत दे थोक मुल्ल सूचकांक पर आधारित मैहंगाई घटियै मनफी 1 अशारिया 2-1 प्रतिशत पुज्जी गई ऐ।

<><><><><><>

Bihar

बिहार दिएं सभनें 243 असेंबली सीटें चा 243एं दे गै रूझान ते किश दे नतीजे सामनै आई गे ना। वोटें दी गिनतरी सख्त सुरक्षा प्रबंधें हेठ चला करदी ऐ। रूझान राश्ट्री लोकतांत्रिक गठबंधन-एनडीए दी बड्डी जित्त आहली भेठा सारत करांदे लब्ध'रदे ना। एनडीए-92 सीटें पर अगे ऐ। आर.जे.डी दी अगुवाई आहला महागठबंधन

बिहार दे सभनें प्रांतें च पिछड़े दा नजरी आवा'रदा ऐ। प्रशांत किशोर हुंदी जन सूरज पार्टी दी महत्वकांक्षी शुरूआत असफल रहेई होआ'रदी ऐ। अखीरी खबरां थहोने तोड़ी भारती जनता पार्टी 92में नशिस्तें पर अगगे चला'रदी ही। जेडीयू 85एं पर, H.A.M 5एं पर, R.J.D 26एं पर, A. I.M.I.M 5एं पर, कांग्रेस पार्टी 5एं पर ते होर दुए 5एं नशिस्तें पर अगगे चला'रदे हे।

<><><><><><>

By Polls Results

जम्मू-कश्मीर च नगरोटा ते बडगाम असेंबली सीटें लेई उप-चुनांऽ दे नतीजे अज्ज घोशित करी दित्ते गए ना। जित्थे भारती जनता पार्टी नै नगरोटा विधानसभा सीट बरकरार रक्खी ऐ, उत्थें गै पीपल्स डेमोक्रेटिक पार्टी नै बडगाम सीट जित्ती लैती ऐ। भारती जनता पार्टी दिंए मेदवार देव्यानी राणा होरें 42 ज्हार 350 वोट लेइयै नगरोटा असेंबली हल्के च जित्त हासल कीती ऐ। उनें जम्मू-कश्मीर नेशनल पैथर्स पार्टी दे हर्शदेव सिंह होरें'गी 24 ज्हार 647 वोटें दे फर्क कन्नै शिकस्त दित्ती। नगरोटा सीट लेई हर्शदेव सिंह दुए नम्बरै पर रेय ते उ'नेंगी 17 ज्हार 703 वोट थहोए। इस मौके पर अपनी प्रतिक्रिया दिंदे होई बीजेपी दिंए जेतु मेदवार देव्यानी राणा होरें आखेआ तोआई, बडगाम च पी.डी.पी दे मेदवार अगा सईद मुंतजिर मेहदी होरें नेशनल कांफ्रेंस दे मेदवार अगा सईद महमूद गी 4 ज्हार 478 वोटें दे फर्क कन्नै हराया। पी.डी.पी मेदवार गी 21 ज्हार 576 वोट थहोए जदके नेशनल कांफ्रेंस दे मेदवार गी 17 ज्हार 98 वोट हासल होए।

<><><><><><>

LG-Vande Matram

लेफ्टिनेंट गवर्नर मनोज सिन्हा होरें आखेआ ऐ जे हर इक्क भारत वासी दे दिलै च इक्क गीत बसे दा ऐ ते ओहू गीत 'वंदे मातरम' ऐ। एल.जी होरें आखेआ जे स्वतंत्रता संग्राम दे दरान जिस्सलै बी कोई 'वंदे मातरम'गीत गांदा हा तां दुए लोक गी उसी गुणगुनांदे हे। इस चाल्ली इक्क मजबूत रिश्ता बनेआ जेहड़ा अज्जै दी युवा पीढ़ी गी मां भारती दी सेवा आस्तै प्रेरित करदा ऐ। एल.जी सिन्हा होरें एहू गल्ल जम्मू दे मौलाना आजाद स्टेडियम च

आयोजित वंदे मातरम गीत दे 150 ब'रे पूरे होने दे उपलक्ष्य च मनाए जा'रदे समारोहें दे पैहले गेड़ दे समापन कार्यक्रम गी संबोधित करदे होई आकखी। श्री सिन्हा होरें आखेआ जे असेंगी बंकिम चंद्र चटोपाध्याय हुं'दे बचारें ते आदर्शे दा प्रसार करना लोड़चदा ऐ जिनें स्हाड़े स्वतंत्रता संग्राम गी नमां आकार दित्ता। उनें आखेआ जे असेंगी 'वंदे मातरम'गीत दी भावना दा इस्तेमाल केंद्र शासित प्रदेश जम्मू-कश्मीर गी अगगे बदाने आस्तै करना लोड़चदा ऐ।

<><><><><><>

साम्बा दे नंदनी हिल्स आहले जिला प्रशासनिक परिसर च अज्ज राश्ट्री गीत 'वंदे मातरम' दे 150 ब'रे पूरे होने सरबंधी कार्यक्रम दे पैहले गेड़ दा समापन समारोह आयोजित कीता गेआ। एहू कार्यक्रम 'वंदे मातरम' दी 150 ब'रें दी शानदार यात्रा पर लोऽ पाने आहले इक लघु दस्तावेजी फिल्म कन्नै शुरू होआ हा। एहूदे मगरा हफ्ता भर चलने आहली गतिविधिएं दा आयोजन कीता गेआ जिंदे राएं साम्बा च वंदे मातरम दे 150एं ब'रें आहले जश्र दे तैहत बक्ख-बक्ख पैहलकदमियां कीतियां गेइयां। इस सरबंधे च आयोजित कार्यक्रम दरान विद्यार्थियें राश्ट्री गीत दी शानदार प्रस्तुति दे कन्नै मौजूद सभनें लोकें गी राश्ट्री गर्व दी भावना कन्नै भरी दित्ता।

<><><><><><>

Poonch-Vande Matram

जिला प्रशासन पुंछ नै बी राश्ट्री गीत 'वंदे मातरम' दे 150 साल पूरे होने दे उपलक्ष्य च ब'रा भर मनाए जा'रदे समारोहें दे पैहले गेड़ दा इक्क शानदार समापन समारोह आयोजित कीता। पुंछ दे खेड स्टेडियम च करवाए गेदे इक कार्यक्रम च खरी मती गिनतरी च विद्यार्थियें, आम लोकें, अधिकारियें ते मन्ने-परमन्ने दे लोकें बी हिस्सा लैता। इस कार्यक्रम दरान पुंछ दी सगोसार सांस्कृतिक विरासत ते भारत दे स्वतंत्रता संग्राम गी बड़ी खरी चाल्ली पेश कीता गेआ।

<><><><><><>

Midnight Marathon

तंदयस्ती ते सामुदायिक भागीदारी गी बढावा देने दी इक्क बड्डी कोशिश दे तैहत जम्मू-कश्मीर खेड काउंसल आसेआ कल 15 नवम्बर गी जम्मू दे मौलाना आजाद स्टेडियम च जम्मू मिडनाईट मैराथन दे त्रीये संस्करण दा आयोजन कीता जा'रदा ऐ। आकाशवाणी जम्मू दे संवाददाता दी रिपोर्ट मुजब इस कार्यक्रम च सबनें स्तरें लेई बक्ख-बक्ख श्रेणिएं च द्रौडें दा आयोजन कीता जाहगा। एहू मैराथन एम.ए स्टेडियम थमां शुरू होग ते शैहरा दिएं मुख थाहरें चा होइयै लंगघग। इस मैराथन च हिस्सा लैने लेई लोक अधिकारिक पोस्टर पर दित्ते गेदे क्यू.आर कोड गी स्कैन करी सकदे न जां फही इंस्टाग्राम हैंडल @Jammumidnightmarathonofficial दे राहें बी एहूदे च हिस्सा लेई सकदे न। लोक पंजीकरण ते पुच्छ-गिच्छ लेई इ'नें टेलीफोन नम्बरें पर संपर्क करी सकदे न। नम्बर इस चाल्ली न : 9596798743-7006095269.



WPI

भारत दे थोक मुल्ल सूचकांक पर आधारित महंगाई सालाना दर दे स्हाबें इस ब'रे अक्तूबर म्हीने घटियै मनफी 1 अशारिया 2-1 प्रतिशत पुज्जी गेई। जिसलै के सितंबर म्हीने एहू सिफर अशारिया 1-3 प्रतिशत ही। उद्योग ते वाणिज्य मंत्रालय आसेआ जारी आंकडें मुजब पिछले म्हीनै महंगाई दी मनफी दर खाने-पीने आहिलें चीजें-बस्तें दिएं कीमतें च कमी कच्चे ते ते कुदरती गैस, बिजली, खनिज तेलें ते बुनियादी धातुएं दे भाहें च कमी करी होई ऐ। साल दर साल दी विनाह पर थोक मुल्ल सूचकांक, खाने-पीने आहिलें चीजें दिएं कीमतें च 5 प्रतिशत दी कमी करी होआ ऐ ते सूचकांक लगातार दुए म्हीनै मनफी रेया ऐ। तोआई, मुख बुनियादी इस्तेमाल आहिलयां चीजां 6 अशारिया 1-18 प्रतिशत दे स्हाबै सस्तियां होइयां न। ईंधन ते बिजली दिएं कीमतें च बी 2 अशारिया 5-5 प्रतिशत कटौती दिक्खी गेई ऐ।



Prog. Announcement

आकाशवाणी जम्मू दा क्षेत्रीय समाचार एकांश 'राश्ट्री प्रेस दिवस' दे मौके पर औंदी 16 नवम्बर गी 25एं मिटनें दी इक विशेष परिचर्चा प्रसारित करने जा'रदा ऐ जेहदा विषे ऐ लोकतंत्र च प्रेस दी भूमिका। अत्तरूं ऐतवारें दिनें दपैह्नी 12 बजे प्रसारित होने आहले इस विशेष कार्यक्रम च स्हाड़े परौहने होडन जम्मू-कश्मीर दे वरिष्ठ पत्रकार ते डेली तस्कीन अखबार दे एडिटर इन चीफ सोहेल काजमी जेहड़े इस विशे पर अपने माहिराना बचार सांझे करडन। इन्दे कन्नै गल्लबात करडन स्हाड़े न्यूज एंकर जगमोहन शर्मा। एह कार्यक्रम तुस स्हाड़े इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर सुनी सकदे ओ।



Sericulture Ramban

रामबन च रेशम दे कीड़े पालने आहले मैहकमे आसेआ जिले च किरमाकशी कन्नै सरबंधत गतिविधिएं गी सरगर्मी कन्नै बधाया जा'रदा ऐ। एहदे तैहत जनजीताय करसानें ते महिलाएं गी ते नेहू लोकें गी जिंदे कश जिमीं नेई ऐ, सिखलाई दित्ती जा'रदी ऐ ते कन्नै गै तूतै दे बूहटे बी दित्ते जंदे न। करसानें, नौजवानें ते महिलाएं विभाग किरमकशें गी रेशम दा उत्पादन बधाने आसतै ते उंदी औंदन बेहतर करने आस्तै मदाद करा'रदा ऐ। सरकार आसेआ शुरू कीते गेदे राई-बाई दे पूरे-पराते विकास आहले प्रोग्राम तैहत लाभकारिएं पर आधारित केई स्कीमां उपलब्ध न, जेदे तैहत 80 थमां 90 प्रतिशत तोड़ी दी सब्सिडी बी हासिल करोआई जंदी ऐ। करसानें गी नमिएं तकनीकें दी जानकारी देने लेई जागरूकता कैंपें च हिस्सा लैने आस्तै बी प्रेरित कीता जंदा ऐ। आकाशवाणी खबरें कन्नै गल्ल करदे होई रामबन जिला किरमकश अधिकारी राजीव गुसा होरें दस्सेआ

